

國朝耆獻類徵初編卷四百六十三目錄

隱逸三

孫自修

謝陞

向文煥

林嶠

潘澂

張鏡心

陳貞慧

韓原濬

劉元化

談遷

錢昌其

李文中

崔榮

彭之燦

朱世繡

范兆芝

常元亮

湯南金

伊密之

林時躍

弟時對

陳士京

陸觀

劉赤

查省

邵潛

補錄

林時對

國朝耆獻類徵初編卷四百六十三

通奉大夫前署江西巡撫江西布政使司布政使湘陰李桓輯

隱逸三

孫自修

江甯孫公無修名自修以甲子鄉薦授陽江令有慈惠聲遷貳大
同感時亂忽遣兩愛姬棄家薙髮爲罽麟和尚弟子遊跡浙中自
號曰與然巖棲谷汲縛茅於人跡罕至地顏曰懸溪庵浙人多稱
之曰懸溪和尚云肩薪負重以自給其子閒關往省敕斷家事惟
以學道讀書相勉而已甲午示寂庵中公素精繪事出世後尙時
時點染數峯以自適予見其所作寒梅冊子寄胡君念約者楚楚

國朝書牘類稿卷四十三
有致黃山漸江上人繪事爲世所重然聞上人一水一石皆脫胎

於公云 賴古堂集

右 國朝畫識馮金伯撰

謝陞

公姓謝氏諱陞字紫宸號丹楓系出江西贛縣周申伯之封命築
城邑晉東山之墅代踵風流明洪武間十世祖官小旗戍籍德州
右衛水夾漈孤原分章貢地連厭次乃卜其鄰當時偕冠裳來者
史嚚之饗鬼非淫昏聰明正直而壹立廟高真觀曰江東謝家之
神身不滿六尺黧面赭衣有文在手曰衣比之實沈臺駘殆其亞
與大父寔父宴家牒詳矣世德畏然公珠角擅奇山庭表德儀範
清冷風格倜儻少恥章句之學疾里塾庸師猶寇仇人無識其故
者洎壯以任俠聞語世事則哆口張眉遇節義則掀髯抵掌以魯
朱家劇孟爲不屑道如古之李元禮張乖崖陳同甫輩公獨心慕

其爲人崇禎己卯山東大比公知天下將亂言時務如晁賈以爲如是則治否則必敗有司咋舌烏程方大猷知州事聞公名式廬請見公辟之大猷贈詩有卻笑當年宰武城澹臺尙有公庭蹠之句閒再請一見大奇之公痛陳民生利病時政得失旁及陰陽躔次禮樂兵刑封建疆里諸說大猷拜受教段干木之闔門塞竇不見諸侯王景略之捫蝨長談總關治亂以此連類公之謂乎甲申李自成陷京師置賊黨防禦使閻杰州牧吳徵文來德公流涕曰主亡天下亂讐可復也與州人李嗣晨謀誅之李云當告諸薦紳先生公曰薦紳先生難言之彼慮事熟凶萬全也狐疑敗矣公仗劍往眾踊其後遇盧御史世淮云于思曷維其來公弗顧徵文坐

聽事堂遙望于思走踰半垣拔角脫距遂磔裂之併執杰誅焉眾
目眩良久欲散歸公曰賊踞京師散將安往女張女弓女鼓女鼓
遂帥眾而北所在收兵與江表連和殺賊雪恥嗚呼筑聲水咽士
之一去不還島上峰青客之五百空死方之於公徒增歎惜會
世祖章皇帝入關乃上所收印綬而大猷來爲巡撫都御史徵貢
於鄉當國者欲官之不受歸公自此隱矣知州某徵文甥也誅徵
文時匿僧舍免後成進士來知州事思得公而甘心焉誣以私藏
兵器叱曰女喜殺官乎曰誅賊耳長者在前十何爲也徑拂袖出
卒無以害公治產如范蠡之治越管子之治齊家隆隆起渭南千
畝之竹卻懼滿盈池陽二頃之田每思止足教子孫則本之鄒魯

國朝書牘類稿卷四十六
三
曰福之種者讀書儉樸人否必豪侈不事詩書者也公優游里閭
垂十年與年七十以上者十人結爲稀社黃髮危齒竹杖褐衣醲
酒長吟之下各述隆萬間一事以戒後人公之行誼庶幾石隱丈
人之流乎嗟乎丈夫遭世多故幹濟綦難欲以明大義仗大節鮮
不洩忍顧慮者當明懷愍之季土崩瓦解雨怪風冒麥秀堪悲黍
離興嘆孫恩移斗柄於北陸盆子假漢宗於南服一綫長河止衣
帶水耳羊斟忽來殘民作牧思明煽燄大勢燎原維桑與梓言之
傷已公揭袂奮起倒戟長號效博浪之碎擊倡魯人之墨祭縱異
程嬰之匿趙兒差倖荀營之逆周子迫夫降旗一片早出石頭夔
峽三軍悉平蕭銑自是而國家事定德土以安公誠天下之偉

人也公澡身浴德游藝依仁汝南令望扶風長者平日不以一毫
挫於人亦不以豪氣陵世人多喜親之人其戶布被藜牀桑杯石
鼎諸葛亮有彈琴之宅王仲宣有讀書之樓從容安危之機保此
令名舒卷風雲之際何須貴士吁噫公之歿數年矣前輩典型無
復覩矣悠悠再數年有心世道之士欲訪公之軼事州人亦罕有
言之者余之文與銘在讀之反覆盡傷弔北邙而太息也壽幾十
幾葬於小鍋市之祖阡鐘沈德水聲出風雲劍沒豐城氣存牛斗

銘曰

嗚呼九原不可作兮巫咸大招公竭來高冠岌岌長佩陸離盱目
皤腹而鬖鬖朝太乙以爲侶兮夕雲中湘君乎追陪嗟逝水之莫

挽兮渺余小子一日而腸九迴泰山農人實拳石笑終南之阜寧
兮河濱漁父掬勺水目洞庭之波頽繫香山之九老兮思公之德
又挺拔磊落之雄才公盍駕赤虬辭天閭以好修姱節三泝三覺
乎齷齪塵垢之士而罹此劫灰闕逢泥灘之蕘閔兮製獮獠机狼
虓豺公掉臂大呼賈勇登陣兮橫戈躍馬而藉路公之往事小子
竹馬之年所習聞兮老夫其髦矣猶且悼周傷郢而迸哀徵柱下
之遺編兮中心若抽以低回行日車於虞淵兮奠罇竿之雲雷墳
高於雉兮長河之厓

右墓誌銘田雯撰

向文煥

向文煥字亦庵黔陽縣人績學淹貫賢俊皆爲傾倒性崖異不諧俗身經亂離時平無復有仕進意惟肆力於詩歌古文自明中葉後俗學浸淫以鑿積剽竊爲能事又矯入於淒清幽冷有識者目爲文妖詩魔文煥生長楚西凡所述作多冲和恬適之響駸駸窺見古文堂奧詩稍闢入竟陵窠臼而五字清而能腴似亦厭棄其舊學而欲跳脫之者蓋此法中豪傑士也所著孤雲亭集四卷行於世

右傳王光電撰

余讀黔陽縣志 國初有向先生文煥貴州涪潭縣知縣張志不

詳科分姚註甲午科附明末蓋順治十一年邑尙未入版圖其在
明桂王時乎謹按 御批通鑑輯覽附三王於後等於宋之昞昞
凡 國史傳之書僞者槩令更正其諸臣仍書所授原官仰見
聖心予奪一出大公正無庸其忌諱因詳記之以徵信史更以見
我 朝度量卓越千古非委巷固陋偏私之見所能窺其萬一也

右記易變堯撰

林嶺

嗟乎故明崇禎壬午癸未閒闖賊爲逆秦晉騷然朝議沸如蜩螗
國勢危於累卵人人有土崩瓦解之慮顧在廷諸臣文恬武嬉率
皆蒙頭保妻子釀成陽九百六之禍而其時之舉進士者往往有
英挺傑立磊落激揚之士如禮部員外郎林公是已公諱嶺字小
眉別號藥齋系出唐端州刺史葦後世居莆田爲著姓父封員外
郎諱某以貢授鎮江衛經歷母楊宜人初公之生也宜人夢太華
雙炬燭天遂誕公與公之兄明經某公生而眉目疏秀體羸玉立
少負奇姿屢著異徵年十二隨父宦京口金沙張明弼一見傾倒
有聖童之譽弱冠以詩文受知於黃晉江漳浦兩相國聯登壬午

癸未鄉會榜九卿如倪文正公淩忠清公皆引爲忘年交甲申之
變公微服南返上書閣部史公可法言賊中事甚悉南中大僚多
物色之出知吳江縣事吳江財賦甲天下繁劇難理公年少精敏
宿猾姦胥憚之若神時國用匱乏羅郡邑童子試令輸貲徑達學
使者公謂非朝廷求賢意捐俸代納乃試其甲乙所拔皆單寒士
人多稱之未幾王師渡江金陵失守京口以南無不望風內附
公遂懷縣印歸閩唐王卽位福州授工部都水司主事監造皮甲
報竣調禮部精膳司主事晉員外郎時大帥鄭芝龍桀驁擅權朝
貴皆出其門公抗直不肯趨附遂奉敕往祀霍童太姥而王師
已踰仙霞矣公潔身高蹈浮沈自晦益肆力於詩古文自撫軍以

下車騎造請咸謝不見去亦無所報謁卒以此得罪與前吏部余
公颺偕送三山獄獄具當事者重公之節而惜其才方力白之公
竟慷慨拊膺草絕命辭三章嘔血數升而卒時順治乙未年六月
某日也卒年三十有八同郡余吏部颺爲公立傳稱小眉爲人髭
髯多大節幼慕劉文成其所著書亦曰犁眉嘗欲得一當以自表
見而遭逢不偶僅以詩文崛起當代樂府歌行本漢魏五七言近
體本唐人於近世王李七子則中駟目之又稱明興二百餘年長
沙倡於前北地信陽繼於後邇來雲門海虞復大振其業而吾莆
之掉鞅蹈厲含英咀華以金鐘玉衡之才發朱絃清廟之響惟小
眉一人其所稱道之者如此噫吾知非公意也當崇禎弘光時以

門戶水火之釁中以盜賊四海橫流不可救藥其時策名新進諸臣如公者實欲抗節致命效虞彬父文履善之所爲豈徒區區於標擅風雅爲藝林文苑之選也哉今讀公所選螭螭集猶覺鬚眉宛在馨咳如生弔碧血於曩時激丹心於終古從凋傷殄瘁之餘幽憂愁思而發爲悲奮激越之音斯則公之所爲詩若文亦卽公之所以爲公也乎猶記公之尹吳江也余甫九齡先贈君與先兄輩俱以諸生爲公所賞識及乎陵谷變遷以後先君每向余追述公治行經術爲吳中第一今忽忽五十餘年余以舊史官放歸值公之令子人中謂余與公有兩世通家之誼遂以其狀來泣而請銘於余余因思天荒地老劫盡灰飛追遡數十年前之事不覺爲